



Landesmuseen Südtirol
Musei provinciali Alto Adige
Museums provinziali



Museum Ladin

Ciastel de Tor y Ursus Ladinicus

Tour virtuala

Tl Ciastel de Tor él gnü fat n museum: le *Museum Ladin Ciastel de Tor*. Chësc nes cunta dla storia y dla cultura ladina. La seziun *Museum Ladin Ursus ladinicus*, cun sënta a San Ciascian, nes cunta deperpo les tematiches dla geologia dles Dolomites y dla laurs di andri che an á ciafé tla Val Badia. Te chësc documënt ciafaraste defata les domandes che ves condüj tres la vijita virtuala di museums ala descurida di Ladins y dla laurs di andri.

Por fá le tour virtual, y ester insciö bogn da respogne les domandes, ciafeste sön la plata internet dl *Museum Ladin Ciastel de Tor* (www.museumladin.it) le link “TOUR VIRTUAL” tl trapez blanch jö bas. Drüca le link “Tour virtual Museum Ladin Ciastel de Tor” por les domandes da 1 a 17 y le link “Tour virtual Museum Ladin Ursus Ladinicus” por les domandes 18 cina 20. Les informaziuns che te adoraras por respogne ales domandes te vëgn dades ti salamënc dl ciastel drucan sön les icones “?” ti cërtli cöci. Por se möie tl museum virtual, y descurí insciö sü esponac, drüca sön la saita vërda por jí inant y sön la saita cöcena por jí indô zoruch tl salamënt da denant. Scinacaje poste ince adoré i botuns jö bas sön le panel de navigaziun.

P.S.: I tesć dla vijita virtuala é ciamó scric do la vedla ortografia ladina. Implü él val’ pice test scrit nia por ladins dla Val Badia mo por fodom, gherdëna o ampezan.

Ci che te resta sëgn ciamó da fá, é ma plü pié ia ala descurida dl ciastel!

1. Te ci localité ladina á pa le Museum Ladin Ciastel de Tor süa sënta?
2. Al é ince mirit dla contrada da munt y de sües carateristiches fisiches sce le lingaz ladins, stlüt ite danter le lingaz todësch y talian, é romangü ví incina incö. Tanc ési pa aldedainciö i Ladins dles Dolomites?
3. Le ciastel de Tor, laota conesciü sciöche “turris in Geder” che foss tanco “tor tla quadra”, é gnü fat sö tl 1230. Da che gnôl pa manajé y de che êl pa?
4. An á ciafé fora che la porsona passâ fora por les valades ladines bele incér le 9000 d.C. Che ê pa i pröms vijitadus de nostes valades tratan le tëmp dla pera?
5. Le plü vedl, y ince le su, insediamënt fis che an á ciafé tles valades ladines é chël de Sotciastel a Badia. Te ci tëmp storich él pa gnü fat sö?
6. Ci popolaziun viô pa tles valades ladines tratan l’eté dl fer?



Landesmuseen Südtirol
Musei provinciali Alto Adige
Museums provinziali



7. Scrí sö val' ejëmpl de insediamënc romans che é gnüs cheriá sön les gran strades dles valades principales de Südtirol tratan la romanisaziun.
8. Che comanâ pa tla Ladinia tratan le tëmp feudal?
9. Ci é pa i corèc?
10. Le inom dles Dolomites vëgn da n naturalist fritzesc che por pröm ti á dé na sbürla ales inrescides sura le mineral particolar de cialc de chël che ares é fates. Co ál pa inom le mineral y ciun é pa l'inom dl naturalist fritzesc?
11. Do le mez dl XIX secul á sciori nobli, lapró ince alpinisć, metü man da vijité les valades ladines. Insciö él nasciü hotí, strades y ferates te na cultura incina chël momënt madér basada sön la vita da paur. Al é ince nasciü n laur nü: le mënacrëp. Mo da can incá él pa le turism gnü le prinzipal setur economicich por le raiun ladin dles Dolomites?
12. A gauja dl clima crôde y dl terac ri da lauré sö, se basëia la vita di ladins por secui alalungia sön na forma particolara de organisaziun comunitara de de te picì insediamënc compac. Cun ci inom ési pa conesciüs?
13. Le bosch é da tres na ressursa de gran valüta por les valades ladines. Por ejëmpl gnôl la lëgna di bosç de Valparola y de Andrac tratan le Medieve adorada por arjigné ca ciarbun por les fujines. Ci metal gnô pa lauré sö y da olá gnôl pa condüt adalerch?
14. Les 5 valades ladines, olache an baia aldedaincö ciamó ladin, fej pert de chëra che al ti vëgn dit la "Ladinia". Öna de chëstes valades é Fodom. Co ares pa inom les atres 4?
15. Incër la fin dl XVIII secul svilupëia vigni valada ladina na produziun artejanala carateristica. Chëstes davagna n'importanza economica particolara por i Ladins I daidan da alzé n pü' i ris vadagns che gnô dal laur da paur. Ci produziun artejanala artistica toca pa pro ciöna val?
16. Ciönes é pa les raisc linguistiches dl lingaz ladin?
17. Do dala Pröma Vera Mondiala passa la Ladinia dal Imper austro-ungarich ala Talia. L'aministraziun dla Ladinia vëgn insciö partida sö. Te ci provinzies é pa la Ladinia dötaorela partida sö?



Landesmuseen Südtirol
Musei provinciali Alto Adige
Museums provinzial



Ciara la tour virtuala dl *Museum Ladin Ursus ladinicus*.

18. Olá é pa la sënta dl *Museum Ladin* dedicada ala laurs preistorica dles Dolomites?
19. Dan da tan dî viô pa les laurs di andri, oramai bele mortes fora, chiló da nos?
20. La laurs di andri ciafada tla Val Badia é atramënter dales atres laurs di andri che an á ciafé. Co ti él gnü metü inom y olá éra pa gönüda ciafada plü avisa?